

Enformaziuns y Comunicaziuns

Comié: La domëgna co vën ai 27 d'otober, pla gran mëssa, tolarunse comié da siur Hans da Čianei, co s'arjigna da jì endò zoruch te sōa tera jōn Africa. L'oferta de cōsta domëgna i jarà a siur Hans, por sostegnì sōes misciuns. I tolun l'ocajun, a ennom dla comunità, da ti aodé dōt le bun y ti dī en gran iolan por la desponibilitè che al à albū cōsc tomp te nosta comunità.

Benedisicun: En jōbia ai 24 d'otober, ales 6 da sēra, s'encuntunse ete dal Ciūch. Al gnarà dit la corona y inće benedi la čiampana nea sōn la capela. Dūc è dēr bel enviēs.

Staziuns: Le KVV dla Val Badia enviēia dūc da tō pert ales Staziuns da San Linert čina sō Oies, en domëgna ai 27 d'otober. An pēia ia ales 2 dōmisdé, da dlijia de Badia demez. Sō Oies sarà na picia funziun y dedō vëgnun jō en prozesciun.

Čiamena dal Guant: Tla Čiamena dal Guant ta Picolin (vedla čiasa de palsa) pon dé jō guant dessorora o se chirì fora guant de vigne sort, vigne jōbia dōmisdé dales 14:00 ales 16:00. Dé jō pōn de bel y bun guant, inće linzos, cīsces, pezes da mans, coltrines, tovaies, deches, čialzà y d'ater. Dōt dess ester šauber y entier. Chi co se chir fora guant vën periēs do na oferta de bona man, co vën dada ennant a jont co à debojūgn. Belo danfora bel iolan.

Stōdafūs: En sabeda ai 26 d'otober dales 9:00 ales 15:00 èl la poscibilitè da jì dan le magazīnn dai stōdafūs d'Al Plan a se dō barantli.

Comun: Le Comun de Mareo lascia alessēi che empede le vëndres ai 1. de novēمبر (Gnissant), gnarà le ciomont coū adōm le dé denant.

Dotur: Le dotur Edo Agreiter lascia alessēi che al è demez jōbia y vëndres ai 24 y 25 d'otober. Al vën sostitui dla dra. Mahknecht, da ciafé al nr. 349/0667034. Laprò òl inće enformé che la jōbia ai 31 d'otober, vēia de Gnissant, sarà so ambulateur dōmisdé slūt.

Gran Chidlada 2013: Le Cor de Dlijia d'Al Plan enviēia uniuns, dītes, istituziuns, tlasses y clubs dal comun de Mareo ala tradizionala Gran Chidlada por scuadres da 4 porsones, co sarà en domëgna ai 10 de novēمبر, ta Runcac. Les iscriziuns (60,00€ por squadra) po gnì fates čina en vëndres ai 8 de novēمبر tal ofize turistic al 0474/501037 o fax 501566, o diretamonter tla chidlara al 0474/501068 o fax 501780.

Crusc Blančia: Le parlamont europeich à protlamé na edema de sensibilisaziun sōn le tema dla reanimaziun cardio-polmonara. Inće la Crusc Blančia tol pert al'aziun, cōsta domëgna ai 20 d'otober, dales 10:30 ales 13:00, te salf dla Raiffeisen d'Al Plan. Volontars sarà a desposiziun por enformé y mostré desche an fej na reanimaziun. La jont arà la poscibilitè inće da proé enstēs. Le fin dla iniziativa è chēl da trasmēter l'importanza dla reanimaziun, dla cherdada d'emergēnza y da reconēsce la situaziun por podēi tō i provedimonč co po ti salvé la vita a na porsona.

Batadù: Le Museum Ladin organisēia deboriada con i Stōdafūs da San Martin en gran batadù, ai 27 d'otober te častel de Tor. Ales 13:30 s'encuntun por les iscriziuns y l'estraziun dai grups. Ales 14:00 mēt man le batadù. An po inće se scri ete danfora al nr. 339/7685970 (vigne dé dōmisdé).

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - čina al dédemesaledema sēra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inće www.valbadiaonline.it



La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefōnn y fax de calogna 0474/501006


29. Dom. ann C - dles Misciuns - Segra de Dūc - ai 20.10.13 - nr. 47



Ciafaràl mo čiamó fede sōla tera?

Dal vagnele dō San Luca 18, 1 - 8

Te chēl tomp 'ti à Gejù dit ai discepui, tres na parabola, che ai dess perié demeztru, zonza lascé do: ²Te na ciüté viēl en iudicadū co n'ā nia pōra da Idio y co n'ā compasciun con degūgn. ³Tla medema ciüté viēl inće na vëdoa co gnea tres endō da d'ēl y dijea: Famo avarēi le dērt cuntra mio nemich! ⁴Dio alalungia n'ā le iudicadū orū nen sēi nia. Mo spo s'al dit a se enstēs: Inće sc'i n'ā nia pōra da Idio y i n'ā compasciun con degūgn, ⁵ōi empò ti fa avarēi le dērt a cōsta vëdoa, čiodiche ara ne mo lascia degūna tria. Zonza vëgnera čiamó ala fin y mo dà tla mūsa. ⁶Y le Signur à enjunté: Aldide, co che le iudicadū iniüst dij. ⁷Ne dess nia Idio a sū prelitēs, co ti sčraia encuntra dé y net, ti fā avarēi le dērt, empede i fā aspetē? ⁸I ves diji: Al ti fajarà avarēi le dērt atira. Mo le Fi dal Om, ciafaràl mo canch'al vën, čiamó fede sōla tera? **Parora dal Signur. - Lalt a té, Gejù Crist!**



"Periede zonza lascé dō!"



Das Gebet hat große Macht,
das ein Mensch verrichtet
mit seiner ganzen Kraft.
Es macht ein bitteres Herz süß,
ein trauriges Herz froh,
ein armes Herz reich,
ein törichtes Herz weise,
ein zaghaftes Herz kühn,
ein schwaches Herz stark,
ein blindes Herz sehend,
eine kalte Seele brennend.
Es zieht den großen Gott
in ein kleines Herz,
es treibt die hungrige Seele
hinauf zu dem Gott der Fülle.
Es vereint die zwei Lieben,
Gott und die Seele,
an einem wonnenvollen Ort,
da reden sie viel von Liebe.

Mechthild von Magdeburg

S.Mësses y Funziuns dai 20 ai 27 de otober 2013

Domëgna: 20.10.: dles Misciuns – Festa dla Cons.dles Dlijies – segra de düc

Oferta por i bojügn dles Misciuns



9.30: Corona por +nt Feghile Obojes dal Craizer

10.00 S.M. pro popolo por dōta la Ploania

S.M. por les Misciuns

N.B.: S.M. arjgnada dal Grup Families Al Plan

Lön. 21.10.: Feria dla 29. edema: Sa.Ursula y Compagnes

7.30: S.M. por +nc' de Ida Zardini

S.M. por +nta Trebo in Frenner Bruna

S.M. por +nc' Pramstaller Heinrich y Paula

Dédol. 22.10.: Feria dla 29. edema: Beat Jan Paul II.

18.00: Corona por la beatificaziun de Papa Jan Paul II.

Dédem.23.10 Feria dla 29. edema: S.Jan da Capestrano

7.50: S.M. dai scolari

S.M. por +nc' dla fam.Punturieri y Frenner

S.M. por +nt Tone Obwegs, Garsun

S.M. por fam. Huber Karl y Olga

S.M. por +nc' Überbacher Regina y Friedrich

Jöbia 24.10.: Feria dla 29. edema: S.Antone Maria Claret

ete dal Ciüch 18.00: Corona con benedisciun dla ciampana

Vëndr.25.10.: Feria dla 29. edema: Sa.Daria, S.Krispin

7.10: S.M. aniv.por +nta Angelica Call, Almhof

S.M. por +nt Rindler Felix

S.M. por +nc' dla fam.Erlacher, Torpei

S.M. por +nc' Maneschg, Ciane

15.00: Ora de adoraziun

Sab. 26.10.: Sancta Maria in Sabato: Sa.Iosefina, S.Amando

17.00: Poscibilitè da se pissié

18.00: S.M. por +nta Martha Obojes, Gorghe

S.M. por vis y +nc' dla fam. Migliorati - Leitgeb

3.Requiem por +nt Feghile Obojes dal Craizer

S.M. ad int. y reng. dla fam. Rastner Pepi y Renata

S.M. por +nc' dles fam. Pitscheider, y Erlacher Corcela

S.M. por +nc' Comploi Hermann y Ida, de Mano

Domëgna 27.10: XXX. Domëgna dal ann „C”

Oferta por les Misciuns de Siur Hans da Ciane

9.30: Funziun dla domëgna

10.00: S.M. pro popolo por la Ploania

S.M. en onü de S.Comboni y S.Ojöp da Oies

N.B.: comié de Siur Hans Maneschg



AODANZES: Döt le bun, sanité y benedisciun a

Ida Oberbacher *26.10.1927

y a düc chi co à santennom y complësc i agn cöst'edema

CHÈL BEL DÍO ne adora nia tōa ORAZIUN, mo dassënn l'adora tōa VITA.

Tal oraziun ciarestè da capí l'orenté de Dío
y da müdè tōa vita.

Sce mia vita á debojügn d'oraziun,
spo ô cōsc dí che iu ne pó nia aspeté da perié
canche i á vëia, mo che i mëss perié con regolarité.
Oraziuns belo formulades po ester
en gran aiüt por nos.

Le cristian ne dess nia mat perié por sè enstës,
al dëss se recordé de düc y de döt.

Al è en gröm de formes d'oraziun:

l'oraziun de lalt y ringraziament,

te chëra ch'an sraia la ligrëza

por la gloria de Dío

y por la beleza de Sōa creaziun;

l'oraziun de interzesciun,

olàche i periun decà grazies

por nos y por i atri;

l'oraziun por perié pordonn de nusc picês;

l'oraziun chîta,

olàche i ciarun de se lascé mostré da Dîo

çi che i ne sun nia bogn de odëi da susc;

la meditaziun,

olàche i ponsun dô ai mistërs de Dîo y

l'oraziun dla comunité

co fej de nos na familia d'amur.

dal Syn



Un minuto di saggezza

Un uomo lasciò al mercato, incustodita
una bicicletta nuova fiammante
e andò a fare le sue spese.

Si ricordò della bicicletta solo
il giorno dopo... e si precipitò al mercato
sicuro che fosse stata rubata.
La bicicletta era esattamente
dove l'aveva lasciata.

Sopraffatto dalla gioia si precipitò
in un tempio vicino a ringraziare Dio
per aver custodito la sua bicicletta...
solo per scoprire, uscendo dal tempio,
che la bicicletta non c'era più!

De Mello



Gejù à dit: „Chi co creï te mè, vir incé sce ai mör!”

La comunité tol comié da **Feghile Obojes**
mort al'eté de 87 agn. Ai familiars ti va les condolianzes
plü sontides. Che Feghile pòi palsé tla pësc de Dio!

Sorvisc dai Ministróné

Lönesc 21/10 (07:30h): Dédemesaledema 23/10 (18:00h): Vëndres 25/10 (07:10h): Luianta Clara, Maria Huber; **Sabeda 26/10 (18.00h):** Richard y Esther Comploi, Alessia, Mike y Miriam Kaneider, Natalie Obojes; **Domëgna 27/10 (10.00h):** Costanza Brera, Elisa Coppola, Maria Huber, Davide Fontanella, David y Sara Doria

